

EPISTOLÆ DUÆ

A D

2

Celeberrimum Doctissimumque Virum

F—— V——

Professorem Amstelodamensem

SCRIPTÆ.

Quarum in alterâ agitur de Editione Novi Testamenti à Clarissimo BENTLEIO susceptâ, omnesque ejus, adhuc in lucem emissæ, Conjecturæ de sacro Textu examinantur.

In alterâ vero multæ de corruptis (uti videntur) Epistolarum Novi Testamenti locis conjecturæ, jam primum editæ, proponuntur.

Phil. Bentham, Londinensis, stud.

2



L O N D I N I:

Prostant venales apud FRANCISCUM CLAY, Bibliopolam, ad In-
signe Bibliorum extra Templi-Portam. MDCCXXI.

EPISTOLAE DUE

DA

celeberrimum Doctissimumque Virum

V

Professoren Anatomie

250 1915

Tunc examinanda.

quis, adhuc in laetitia cingit? Consequenter de libro
de Clarissimo B. N. T. P. O. libris, omnibusque
Quantum in aliis agitur de Editione Novi Testamenti

primam ediz. proponuntur.



ЛИСТОК

hic bibulum exis Tergit Portum. MDCCXXI.



LECTORI.

EPISTOLÆ hæ, quas tibi in manus do, Lector benevole, quem parentem habuerint, verè possum dicere me prorsus nescire: itaque, quo more apud nos Infantes, nullis cognitis illorum parentibus, publicè aluntur; eo etiam has Epistolas incerto patre natas profero, ut communis curæ sint, publicique in tutelam tradantur. Si quid in illis legendis invenies, quod probari possit; si quid verisimile ibi novumque idem occurrat, sit precor Authoris (ut pro ignoto supplex fiam) levioribus peccatis venia; mihi que interim non minùs faveas, qui doctorum quorundam auctoritate inductus, has Epistolas typis imprimendas curaverim. Jubent illi quidem (nec ego is sum, qui tantis viris adversari audeam) ut Lectores hîc in principio de duabus rebus dignis observatu moneam. Primum enim, inquiunt, notandum est harum Epistolarum Scriptorem passum Clarissimi Bentleii famæ consulere: nihil hîc simultatis, nihil non gratiæ potiùs speciem fert: de illius scriptis solùm, non de ipso, qua-

LECTORI.

stio instituitur; ut prorsus hoc amici videatur cum amico certamen: Non omnia Author hic putat sibi in scriptis suis licere; nec minùs laborat, ut, in quo laudandus est Bentleius, satis laudetur, quàm ut, in quo vituperandus (seu potius monendus) sit, sciat se errasse, propriisque suæ gloriæ terminis, ne longius excurrat, circumscribatur.

Aliud est denique de quo te monitum velim; nempe has Epistolas, quamvis pluribus abhinc mensibus scriptas, non ante in publicum prodire, quàm futurus ille Novi Testamenti Editor magnam & amplam satis ad opus suum sustentandum subscribentium (ut vocant) copiam sibi comparasset. Jam post tantum temporis elapsum nihil hinc, vel ex quovis contra se scripto libro detrimentum capturus est: quocirca his Epistolis forte monitus esse potest, læsus certè non potest. Si igitur binæ hæ Epistolæ hoc assequantur boni, ut Criticorum ille facile princeps suas de Novo Testamento conjecturas minori cum fiduciâ, saniori verò cum judicio efferat; nemo sanè, ne ipse quidem Bentleius, si ad veritatem indagandam penitus se accingat, iis, quæ hic legit, irascetur. Authorem earum quod attinet, (quantum ex ejus scriptis licet conjicere) video illi non ingratum fore, si illud magni Bentleii opus omnes literatos fautores habeat, suumque ipse munus ita expleat, ut dignum prorsus tot tantisque fautoribus videatur.

Hæc solum, Lector, in præsens dicenda habeo: vale igitur, & utrique nos, Ego in libros accuratè imprimendos, Tu verò utiliter legendos, sedulò incumbamus.



Celeberrimo Doctissimoque

V I R O

Professori Amstelodamensi

Phileleutherus Londinensis

SALUTEM.

LITERAS tuas, Vir Doctissime, perlegi, quibus me ab Amstelodamiâ salutarum nuperrimè voluisti; sentiôque me illo affici gaudio, quo Meis etiam bonis soleo occurrere, cum Te diurnâ febris levatum, tuamque valetudinem jam plenè confirmatam esse mihi significas: veræ hoc amicitiae est, te non solum curare, Ipse ut salvus sis, sed ut Ego ob id lætus sim; recteque judicas me, qui semper, animus tuus quid agat, velim scire, velle etiam, corpus tuum rectène valeat, intelligere.

Rogas, quo in loco sit apud nos Britannos Res Literaria: cui quid respondeam? pudet enim dicere, quod piget, te hortan-

te, tacere : fatendum est tamen scientiarum illam veterem sitim paulum hîc jam restinctam videri, nostrosque homines plerumque Divites malle quam Doctos audire : Laudasne Horatium ? bene est, inquiunt ; scitè enim dixit,

*O Cives, Cives, quærenda pecunia primum :
Si quadringentis sex septem millia desunt,
Est animus tibi, sunt mores & lingua fidesque,
Plebs eris.*

Poscísne Juvenalem ? protinus illaudatum illud non sinunt,

*Quantum quisque suâ nummorum servat in arcâ,
Tantum habet & fidei.*

Juvenemne aliquem ad arduum quoddam aut Philologiæ aut Philosophiæ opus edendum hortaris ? Instat subito & respondet, quid inde commodi, subductis omnibus impensis, ad me venturum est ? Scilicet ea argenti cupido, quæ olim Bibliopolis solum, nunc ipsis Authoribus infedit ; gloriaque, illa rerum bene gestarum merces, aut in nullo aut certè in infimo loco à nostris hominibus stultè prudentibus habetur.

Huic Literatorum vitio nuperrimus Actioⁿum nostrarum (ut vocant) fluxus & refluxus ortum dedit : in Australi mari naufragia passi sumus gravissima ; Pecuniarum enim & Scientiarum simul jacturam fecimus, nec rarior ex illâ tempestate Dives, quam Doctus enatavit. Sed huic querelæ finem facio ; vestras enim provincias eadem mali labes infecit, eodem modo (auditum loquor) apud vos publica fides ægrotat ; de communi igitur morbo latius puto tacere, quàm nos invicem, amantes patriæ, dolore afficere.

Vehementer oras, ut literis significem, *quid de futurâ Bentleyanâ Novi Testamenti editione sentiam*. Equidem Viri illius Doctissimi Celeberrimique & ingenio & industriæ & eruditioni magnæ faveo : nihil ferè ab illo vulgare, nihil humile, nihil non reconditum prodit : unum illum agnosco veteres illos Criticæ gentis primarios, Scaligeros, Stephanos (addámne & vestros Vossios ?) non solum pari laude secutum esse, sed ampliori etiam nonnihil obscurasse.

De suo opere edendo Proposita fidens evulgavit, quanquam nec æris sui tenacior, nec à sacris scripturis alienior ætas hîc cuiquam docto contigit: parat typos, chartam, atramentum, omnia nitidissima, & ex diversis Europæ regionibus quovis pretio comportanda: tres aureos pretium sui Testamenti statuit, quorum unus jam in manu Editoris relinquendus est, cæteri, receptis duobus in Folio voluminibus, numerandi: sapienter sane (ut opinor) hanc cautam aggressus est viam, quandoquidem prudentis non est, in tam immenso laboriosoque opere limando, & Famæ suæ & Pecuniæ simul periculum adire.

Opus ipsum quod spectat, multum ejus Industriæ tribuimus, aliquid de Inventionis gloriâ detrahimus. Optimos quosque Græcos codices scriptos, quibus ad suam Editionem formandam usus est Millius, iterum examinandos curavit: quatuor vetustissimos, Editoribus adhuc omnibus ignotos, aut per se, aut per amicos suos accuratè contulit, & ex pluribus quàm triginta MSS Latinis, omnibus ferè ad septimum seculum assurgentibus, variantes Lectiones collegit: hisce adminiculis credibile est illum, præsertim omnes variantes Lectiones Græcas cum Latinis comparantem, posse nobis ubique fere purissimum textum exhibere. Sed hoc non satîs habet: plus de se fidens promittit: spondet se nobis & Origenis exemplar Græcum, & Latinam versionem ab Hieronymo castigatam ad verbum pene daturum: nempe ille sibi jam valde persuasit, in illiusque animo fixum immotumque sedet, Hieronymum Latinas sui temporis versiones ad Origenis aliquod exemplar accuratum & illustre per omnia aprâsse, imò & ipsum ordinem verborum (tanquam qui in eo mysterium latere censuerit) ita instituisse, ut in Græco Codice Origeniano, suoque Latino castigato paria paribus semper responderint. Hoc Cl Bentleius fidentius opinor, quàm tutò affirmat. Vulgatæ versionis (vel versionum, siquidem plures ille fuisse contendit) ante Hieronymi tempus factæ Authores fatendum est plerumque verbum de verbo reddidisse, etiam ordinem verborum in Græcis Manuscriptis occurrentem servasse. Huic opinioni nemo sanè est, qui adhuc repugnâvit, saltem qui non victas manus dabit, cum aut codicem Novi Testamenti Claromontanum Græcum & Latinum, aut antiquas illas Ignatianarum Epistolarum, aut Irenæi operum versiones inspexerit: nimis in hâc re fidi fuere veteres Interpretes, Græca
B 2 omnia

omnia Apostolorum & Patrum, vel cum periculo Latinitatis, accuratè reddentes. Sed hoc Cl. Bentleio non sufficit: notum scilicet hoc & vulgare est: quærit aliquid, quod sibi soli in laudem cedat: Hieronymum vult non invenisse, sed fecisse ordinem verborum; non solùm Latinæ exemplaria sensûs, sed etiam ordinis causâ reformasse: ille suam sententiam tuetur verbis ipsis Hieronymi in Epistolâ quadam de optimo genere interpretandi, ubi sic se habent, *Liberâ voce profiteor me in interpretatione Græcorum, absque sacris scripturis, ubi & ordo verborum mysterium est, non verbum è verbo, sed sensum exprimere de sensu.* His Hieronymi verbis nititur Bentleius; sunt autem, qui opinantur verba *absque sacris scripturis ubi & ordo verborum mysterium est*, non esse Hieronymi: vocem enim *absque* pro *nisi* in nullibi, inquit, apud Latinæ linguæ peritos invenies. Sed demus id Bentleio, verba esse genuina; nihil, vel hoc concessio, suo figmento profuturus est. Apertè enim nos docet Hieron: in Epistolâ ad Damasum huic versioni castigatæ præfixâ, se, *iis solum, quæ sensum videbantur mutare, correctis, reliqua manere passum esse, ut fuerant*: hîc negat se unâ aliquâ in re id fecisse, quod ibi se solitum facere universè affirmat: verbane igitur illa generaliter enunciata plus valebunt ad nos docendos, quo animo fuisset Hieron: in castigandâ vulgatâ versione, quàm hæc, quæ in principio ejus operis posita sunt, quæque ejus tunc temporis sententiam, cum castigaret, plenè declarant? Putandum est, scilicet, aut Hieronymum, post castigatam illam versionem, sententiam suam mutasse; & judicasse, cum jam senior esset, etiam ordinem verborum in S. S. mysterio non carere, contra quàm antea, cum Epistolam ad Damasum scripserit, judicasset: Aut (quod mihi verum videtur) duo hæc Hieronymi loca sibi non male conciliari possunt: de eo enim solo loquitur in Epistolâ à Bentleio citatâ, quod facere soleret *in interpretatione sacrarum scripturarum*: num vero Hieronymus in N. T. Interpretis functus est munere? Nemo sanus hoc dicit: Latinam versionem castigavit, non novam fecit. Esto igitur; Interpretis officium censuit esse in S. S. etiam ordinem verborum servare, num sequitur illum censuisse idem faciendum esse sibi, cum solas reformantis partes sustineret? Equidem opinor Hieronymum in illis verbis suam V. T. juxta LXX interpretationem respexisse; hanc enim

& Augustinus & Ruffinus *interpretationem* vocant: Pater igitur ex solâ illâ Hieronymi Epistolâ suo Latino Exemplari præfixâ cognoscendum esse, quid ipse in illo emendando fecerit. Neque hæc, vir doctissime, dico, ut opus Bentleianum improbem (quod & arduum esse scio & utile futurum spondeo;) sed ut ipsam redarguam sese in hac parte nimis efferentem, magnique laboris gloriâ non contentum, inventi cujusdam ex Hieronymi scriptis sibi primum occurrentis gloriam apperentem.

Hæc satis de MSS Bentleii ejusque textûs emendandi modo: Conjecturas de locis corruptis nulliusque codicis autoritate sanandis quod attinet, eas in Prolegomenis fusiùs daturus est. MSorum lectiones veras in Textum inducere, cujusvis ferè hominis est; MSorum ex vestigiis incertis quasi certa colligere, mediocris Critici est; sed *sine cortice* (ut aiunt) *nare*, nullisque codicibus adjutum, solâ divinandi facultate & ingenii acumine sustentatum posse obscuris lucem dare, corruptis medicinam, hoc Cl. Bentleii solius est, aut ejus etiam qui huic nostro perquam simillimus est. Sed in hæc Critici officii parte, quæ conjecturâ solâ nititur, non omnia semper vel doctissimis viris satis ex sententiâ procedunt: incerta sunt omnia, nihil fixum ratumque esse potest: satis feliciter rem attigit, qui aliquid, quod probari posset, attulit: quapropter liberum sit, oportet, judicium Lectoris, nec Critico conceditur suas conjecturas tanti facere, ut nolit Oraculum Apollinis aliquid verius pronuntiâsse. Scaligerum memini in Epistolâ quâdam ad amicum scriptâ locum Sⁱ Matthæi conjecturâ emendâsse, itaque ob id ipsum jactanter triumphâsse ut diceret, *eum qui in posterum de verâ loci Lectione dubitaret, aut stultissimum aut improbissimum esse oportere*. Hanc tantam arrogantiam (quod enim lenius nomen huic levitati tribuendum est?) nemo est tam patiens, tam omnia ad aliorum arbitrium referens, ut æquo animo ferat, ut eam non vel maximo cum fastidio videat: eoque magis, quia multis (mihi certè, ut ego me vel stultitiæ vel improbitatis insimulari patiar) non placet ista Scaligeri conjectura. Simili modo si suos Lectores alloquatur Bentleius, non iis usus est benevolis, non amicis. Verasne proferet conjecturas? eæ per se ipsæ placebunt: sin quid falsi ferat, adhærescet maximè hominum fastidiis error vanitati conjunctus. Equidem in illo arbitror esse & acumen Criticum & Eruditionis copiam: sed (liberè dicam quod sentio)

sentio) ex iis quæ adhuc ab illo vulgata cognovi, mihi videtur feliciori quidem calamo profanos, quàm sacros authores emendasse. Horatium innumeris prope in locis perpolivit, Menandri Philemonisque reliquiis multum & lucis & sanitatis restituit, sed ea quæ in codicibus sacris tentavit, Bentleii somniantis speciem præ se ferunt. Quatuor aut quinque sunt (nec plura, opinor) loca Novi Testamenti, quæ sparsim in operibus ab illo editis sananda suscepit: in his omnibus mihi videtur conjecturas (dicamne?) ignorare fecisse, vir omnium eruditissimus; an imperitè, vir omnium in critico munere versatissimus? Equidem in illo conjiciendi vim admiror, nonnihil desidero diligentiam: est enim ubi temerè festinanterque nimis iudicium suum protulit; est ubi formulas loquendi in Novo Testamento occurrentes ad puriorum authorum Græcorum inscite voluit accommodare: uterque hic Error editori sacrorum librorum minimè convenit, uterque tamen Cl. Bentleio videtur insedisse: scilicet jamdiu Criticæ artis Primarius audiuit; hinc suâ autoritate fretus, omniaque fidenter fuetus efferre, veris non rarò falsa commiscuit; adde quòd in legendis optimis authoribus Græcis insenuit; hinc Judæorum Græcè loquentium phrasas, cum eas non puras videt, genuinas esse non censet: nec videtur id observatum habere (quod certè N. T. tractantem decet) sensum vocum Apostolicarum ex Hebræo fonte petendum, Græcamque linguam Evangeliorum & Epistolarum non modò diversam, sed pene aliam esse ac illam Demosthenis & Platonis.

Vin' tu igitur, vir doctissime, ut paucas illas magni Bentleii conjecturas ad examen revocem? sententiam ejus de singulis primum afferam, deinde quid ego contrà habeam, explicabo; utrius nostrum melius se defendit opinio, tu ipse sine aut odio Bentleii, aut amore mei judica: nihil de verâ ejus laude soleo detrahare, nihil tamen falsæ ei tribuendum velim. Sed propositum sequor.

I. §. In 1 Tim. vi. 3. occurrit 'Εἰ τις ἑτεροδιδασκαλεῖ, καὶ μὴ ΠΡΟΣΕΡΧΕΤΑΙ ὑγιαίνουσι λόγοις τοῖς τῷ Κυρίῳ ἡμῶν, &c. Cl. Bentleius (in quodam opere suo, quod nomen Phileleutheri Lipsiensis præ se fert) suspicatur legendum προσίχε), vel προσέχε), vel potius προσέχῃ, multaue affert loca N. T. ubi προσέχειν in hoc sensu usurpatur. Non equidem dubito quin, si D. Paulus scripsisset προσέχῃ, bonâ & eâdem notâ locutione usus esset: liberè

liberè etiam agnosco προσέρχεται in hoc sensu Apostoli Græcis aliis scriptoribus ignotam esse. Sed de Græcâ phrasi Hebræizan-
tium hîc quæstio est: προσέρχεται propriè significat *accedere ad aliquid*, sed in N. T. & in LXX versione non rarò accipitur pro *adherere ei, ad quod quis accessit*, exempla hujus sensûs nulla adhuc allata esse Benteius affirmat, ad ea igitur afferenda me accingo.

In Syrac. cap. i. com. 28. legimus, Μη ἀπειθήσης φόβῳ Κυρίου, καὶ μὴ ΠΡΟΣΕΛΘΗΣ αὐτῷ (sc. φόβῳ Κυρίου ut docet com. 30.) ἐν καρδίᾳ διαγῆ: & iterum com. 30. Ἀποκαλύψαι Κύριος τὰ κρυπτά σου, καὶ ἐν μέσῳ συναγωγῆς καταβαλεῖ σε, ὅτι εἰ ΠΡΟΣΗΛΟΕΣ φόβῳ Κυρίου, καὶ ἡ καρδία σου πλήρης δόξης. Hæc à Syracide dicuntur Judæis, qui ab ipsorum incunabulis accesserant ad Mosâicam legem (quam vocat hic *timorem Domini*) de iis igitur continuandis in eâ Religione, non de accedendis ad eam, loquitur sapiens hujus libri author: rectèque poteris reddere προσέρχεται τῷ φόβῳ Κυρίου *adherere timori domini*.

In N. T. Act. cap. x. com. 28. legimus, Ἀβερῶν ἐστι ἀνδρὶ Ἰσθαίῳ κολλᾶσαι ἢ ΠΡΟΣΕΡΧΕΣΘΑΙ ἄλλοφύλῳ. Hîc si velis verba ἢ προσέρχεται delenda esse, quoniam in versione Syriacâ non apparent, utpote quæ locum sic exprimit, *non est permittum homini Judæo, ut se adjungat homini alienigenæ*, tum mihi concedendum est vocem προσέρχεται in textum MSorum irrepsisse è margine, ubi posita fuisset ad exprimendum sensum vocis κολλᾶσαι: meoque argumento fidem facit, quòd in primâ Ecclesiæ ætate voces istæ idem significare viderentur. Sin velis retinere (ut retinenda puto) verba ἢ προσέρχεται, necesse est, ut recipiamus eum verborum sensum quem profert versio Coptica *aut ambulare cum*. Mihi enim nequeo persuadere, Apostolum, cujus verba hæc sunt, putasse sibi aut ulli Judæo non licuisse ad homines alienæ gentis accedere: certè *iis adherere, & se conjungere, & cum iis ambulare* nefas fuit; sed, non concessâ licentiâ ad eos accedendi, quî fieri potuit ut quisquam Profelytus esset, aut ut commerciorum negotia bene se haberent?

Inspiciamus porrò Heb. cap. x. com. i. ubi occurrit Ὁ νόμος ἐδέχθη δυνάμει τῆς ΠΡΟΣΕΡΧΟΜΕΝΟΥΣ τελειῶσαι. Quid? de accedentibus ad Legem credibile est Apostolum loqui, an de iis qui jamdiu sub Lege fuerant, & qui legem etiam tum obser-
vârunt?

vârunt? Judæos cultores spectat omnis hæc Apostoli oratio; mihi- que videtur idem velle per οἱ προσερχόμενοι in hoc commate, quod in sequenti vult per οἱ λαβρόντες, sc. eos qui se Legi Mosâicæ addixerant, eique adhærebant, qui colebant Deum sacrificiis juxta normam divini cultûs à Möyse institutam.

Tribus igitur his exemplis fretus vulgatam Lectionem tueor, Bentleiumque censeo paululum errâsse, cum sensum vocis προσ-
έρχεσθαι in hac ad Timotheum epistolâ non ex idiomate Hebræico, sed ex Atticorum scriptorum elegantia colligeret.

2. §. In Jacobi cap. v. com. 6. legimus, καὶ δικάσατε, ἐφονεύσατε
τὸ δίκαιον ΟΥΚ ἀντιτάσσει ὑμῖν. Si vice ΟΥΚ (inquit Cl. Bent-
leius sub nomine Phileleutheri Lipsiensis) aliquis MSus exhiberet
ΟΚΣ, i. e. ὁ κύριος, locus hic, qui semper Commentatoribus mo-
lestiam exhibuit, tandem clarus cæterisque cohærens invenietur.
ἐφονεύσατε τὸ δίκαιον ὁ κύριος ἀντιτάσσει ὑμῖν. *interfecistis justum:*
dominus se vobis opponit: sic ille legit, suamque conjecturam
firmare vult verbis pene iisdem Jacob. iv. 6. & 1 Pet. v. 5. Ὁ Θεὸς
ὑποστηράσσει ἀντιτάσσει). Sed mihi nihil videtur mutandum: cum
enim per τὸ δίκαιον intelligendus est Christus (sic vocatur in Matt.
xxvii. 19, 24. in Luc. xviii. 47. in Act. iii. 14. & xxii. 14. &
præcipuè in Act. vii. 52. ubi eadem pene, quæ hic, verba legimus,
Πατὴρ τοῦ ἐλπίστου τὸ δίκαιον, & νῦν ὑμῖν προδότης & φονεὺς γεγενῆσθαι.)
cum, inquam, justus ille est Dominus noster Christus, non video
cur ΟΥΚ in ΟΚΣ ideo vertendum sit, ut ὁ κύριος in textum
admittatur; sensus enim vocis κύριος inest in voce δίκαιον: quod
si displicet aut Tibi aut Bentleio particula οὐκ, clausulam efficiens
negantem; facile hujus particulæ negantis vis tolli potest, si
punctum interrogandi ad finem sententiæ sic ponas, καὶ δικάσατε,
ἐφονεύσατε τὸ δίκαιον ἐκ ἀντιτάσσει ὑμῖν; *condemnastis, interfe-*
cistis justum; annon ille vobis se opponit? Hoc est, Num ille
Christus, ille Justus, quem, nullâ inventâ mortis causâ, cruci af-
fixistis, non vobis suis interfectores nunc, quum in cœlis est,
resistit? num non vobis, Divites, exitium modò adventurum pa-
rat? Vos igitur (convertit enim orationem Apostolus ad Christia-
nos in com. 7.) vos, qui Christi cultores sunt, patientes sitis us-
que ad adventum Domini illius Justi, qui in Hierosolymæ exci-
sione jam appropinquanti & se & vos de communibus hos-
tibus vindicabit. Hoc sensu opinor Apostolum locutum esse:
num

num igitur Bentleii conjectura, an mea melius loco convenit ? imò annon dici potest, me nihil omnino mutasse, cum puncta in veteribus MSis nulla sunt ; sed ad cujuslibet Editoris mentem apposita sunt, ad meam etiam mentem eodem jure nunc apponenda ?

3. §. In Judæ epistolâ, com. 18. sic se habet textus, Ἐν ἐσχάτῳ χρόνῳ ἔσονται ἑμπαιῖν, κατὰ τὰς ἑαυτῶν ὀπιθυμίας πορεύμενοι ἢ ΑΣΕΒΕΙΩΝ. Vice ἀσεβειῶν mavult Cl. Bentleyus in prædicto loco legere ΑΣΕΛΓΕΙΩΝ, *cupiditatum lascivarum & obscenarum*. Ita enim, inquit, habemus, in 1 Pet. iv. 3. πεπορεύμενος ἐν ἀσελγείαις, ὀπιθυμίαις. Et in 2 Pet. ii. 18. ἐν ὀπιθυμίαις σαρκὸς, ἀσελγείαις. Hunc locum inquinatum esse facile illi assentior, sed de medendi viâ totus ab eo discedo. Videamus enim Tu & Ego, (liberè quidem, quoniam hoc est Amici cum Amico commercium Epistolicum) de cupiditatibusne obscœnis, an de Impietate propriè dictâ loquatur Apostolus. *De his, inquit Judas, prophetauit Enochus dicens, Ἰδοὺ ἦλθε Κύριος ἐν μυριάσιν ἀγίαις αὐτῶν, ποιῆσαι κρίσιν κατὰ πάντων, καὶ ἐξελέγχει πάντας τὰς ἈΣΕΒΕΙΩΝ αὐτῶν περὶ πάντων τῶν ἔργων ἈΣΕΒΕΙΑΣ αὐτῶν ὧν ἠΣΕΒΗΣΑΝ, καὶ περὶ πάντων τῶν σκληρῶν ὧν ἐλάλησαν κατὰ αὐτῶν ἀμαρτωλοὶ ΑΣΕΒΕΙΩΝ.* *De iis, sc. qui negant Dominum nostrum Jesum Christum, com. 4. de iis, qui dominationem spernunt & majestatem blasphemant, com. 8. & de iis, qui murmuratores sunt, querulosi, secundum desideria sua ambulantes, & os eorum loquitur superba, mirantes personas quæstus causâ, com 16.* Proximè autem sequitur Ὑμεῖς δὲ, &c. q. d. Vos autem, fratres Christiani, horum hominum impiorum exempla evitate, & reminiscimini Apostolum Petrum vos olim de impio hoc hominum genere monuisse, idque futurum multo ante prædixisse. Numquid igitur hîc Judas de lascivis & obscœnis hominibus sollicitus est ? nihil minus, opinor : de impiis solis, i. e. de iis qui se Deo & humanæ authoritati opponunt, hîc oratio est. Sed si rem non attigit Doctissimus Bentleyus, quid Ego de hoc loco statuam, forsitan rogabis : Equidem cogito (nihil enim certi habeo) voces ἢ ἀσεβειῶν omittendas esse, quia D. Jacobus hîc citat verba Apostoli Petri in Epist. 2. cap. iii. & com. 3. ubi sic se habent, ἐλάττον ἢ ἐσχάτη τῶν ἡμερῶν ἑμπαιῖν, καὶ τὰς ἰδίας αὐτῶν ὀπιθυμίας πορεύμενοι : vides verba ἢ ἀσεβειῶν non esse in illo Petri loco, unde nos Judas monet se sententiam citare : sentioque jam tandem versionem Copticam meæ conjecturæ

favere, quia in illa binæ hæ voces penitus non apparent. Fieri poruit, ut, cum Judas (æquè ac Petrus) per ἐπιθυμίας voluerit significare *voluptates impias*, aliquis in margine MSi apposuit τ̃ ἀσεβειῶν ad vocem textûs explicandam: unde in textum ipsum postea irrepsit ea marginis vox, ut sæpe alibi in SS contigisse, ex iis quæ in meis Commentariolis jam diu notata servo, possum forte vel reclamantibus persuadere.

Sed ad aliud transeo.

4. §. In Galat. iv. 24, 25, 26. vulgò legimus, Ἄν' γὰρ εἰσιν αἱ δύο διαθήκαι· μία μὲν ἀπὸ ὄρους Σινᾶ, εἰς δαλείαν γεννώσα, ἥτις ἐστὶν Ἀγαρ. Τὸ γὰρ Ἀγαρ, Σινᾶ ὄρος ἐστὶν ἐν τῇ Ἀραβίᾳ, ὑποχρεῖ δὲ τῇ νῦν Ἰερουσαλὴμ, δαλεία δὲ μὲν τῶν τέκνων αὐτῆς. Ἡ δὲ ἄνω Ἰερουσαλὴμ, ἐλευθερία ἐστὶν, ἥτις ἐστὶ μήτηρ πάντων ἡμῶν. Cl. Benteius in Epistolâ quâdam ad Millium scriptâ, & Johannis Malalæ chronico affixâ sic locum hunc emendat — ἥτις ἐστὶν Ἀγαρ· πὲρ δὲ Ἀγαρ ὑποχρεῖ τῇ νῦν Ἰερουσαλὴμ, δαλεία δὲ μὲν τῶν τέκνων αὐτῆς, &c. scilicet conjecturâ omittit voces Σινᾶ ὄρος ἐστὶν ἐν τῇ Ἀραβίᾳ, utpote olim margini MSorum appositas ad explicandum quo in loco esset mons Sina: in cæteris autem mutationibus habet optimos MSos consentientes. Sed hæc tanti viri conjectura mihi (fateor) non se satis probat: non ignoro locum, ut se hodie habet, non posse aut defendi aut explicari: conjecturâ sine dubio opus est: sed quam Cl. Benteius protulit, ei nequeo assentiri. (1°) enim vox δὲ post vocem ὑποχρεῖ adest in omnibus antiquis Versionibus, & in omnibus optimæ notæ MSS. (2°) quid significet πὲρ Ἀγαρ, non video: si de Agare muliere loquitur Apostolus, scripsisset opinor, ἡ δὲ Ἀγαρ: sin de monte aliquo Agaris nomen gestante, tum nullo sensu videtur dictum, eum montem ὑποχρεῖν τῇ νῦν Ἰερουσαλὴμ. (3°) ut se habet conjectura Benteiana, vox αὐτῆς in fine com. 25 referri non potest ad Ἀγαρ in principio com. 25, quia neutrius generis est: sed referenda est ad vocem Ἰερουσαλὴμ, quod est contra mentem apostoli, ut mihi & plerisque Commentatoribus videtur. Nequeo enim mihi persuadere, Apostolum aut cogitasse, aut voluisse dicere Gentem Judaicam in servitute esse: miserimè serviebant Arabes ab Agare oriundi, sed Judæi etiam tum temporis jactabant se suis legibus frui, suisque Regibus parere: ut igitur hîc dicit Arabas servos esse, sic in fine com. 26 cùm dicit Saram *matrem esse omnium nostram*, sine dubio innuit

neminem posse Judæos esse liberos negare. (4°) Si hujus magni Critici conjecturâ omittamus *Σινᾶ ὅρϑ* εἶναι ἐν τῇ Ἀραβίᾳ, & postea ᾗ, ne sic quidem totus locus vitio carebit: cum enim Apostolus dicit com. 24. *Μία μὲν*, nihil est, quod ei respondeat: de uno foedere cū locutus esset Apostolus, filet prorsus de altero: certè nullibi sequuntur *ἐτέρᾳ* ᾗ, vel si quæ aliæ sunt voces, quæ antitheton & redditionem (ut vocant) sententiæ exprimant. Non satis igitur medicam manum huic loco Vir Eruditus attulit: currente nempe calamo hæc scripsit; saniora, si quid spatii sibi ad meditandum dedisset, forsitan scripturus.

Rogásne jam, quid Ego ipse de hoc loco sanando sentiam? Equidem vix ausim dicere: ubi Cl. Bentleius male, Egóne ut sperem me posse bene? Egóne ita animosus, ut cum doctissimi viri moles has dejecerim, ipse aliquid fidens velim extruere? sed si tentanti, nihilque proficienti mihi ignosces, faciam (ut in formulis est) *quibus sciam poteróque*. Age igitur, da te mihi non solum Judicem, sed Amicum, ut iis, quæ forte judicium tuum non prober, Amicitia tua facilem veniam concedat. Totum locum sic legendum opinor. *Ἄν* γὰρ εἰσιν αἱ δύο διαθῆκαι. Μία μὲν Σινᾶ εἰς δαλείαν γεννώσα, ἣτις εἶναι Ἄγαρ (ΤΟΔΕ ΓΑΡ Σινᾶ ὅρϑ εἶναι ἐν τῇ Ἀραβίᾳ, *ὑσοιχεῖ* ᾗ τῇ Ἱερουσαλήμ) δαλᾷ *ᾗ* μὲν ἔ τέκνων αὐτῆς. Ἡ ᾗ ΑΠΟ Ἱερουσαλήμ ἐλευθέρα εἶναι, ἣτις εἶναι μήτηρ πάντων ἡμῶν. Quod sic veritas licet. *Hæc enim sunt duo fœdera: unum quidem à monte Sina ad servitutem generans, quod est Agar (hic enim (sc. mons) Sina mons est in Arabia, & conjunctus est Hierosolymæ), servit enim cum filiis suis: hoc autem (sc. fœdus) ab Hierosolymâ liberum est, quod est (Sara) mater omnium nostrum.* Primò cum Cl. Bentleio lego *δαλᾷ* ᾗ (non ᾗ) ad fidem omnium optimorum MSorum & Versionum. (2°) vice τὸ ᾗ Ἄγαρ: legendum cenfeo *τὸδε* ᾗ: MSS enim Clar. & Ger. & Alex. & versio Coptica habent τὸ ᾗ Ἄγαρ, alii τὸ ᾗ Ἄγαρ: vulgat. autem, & Hesychius in Lev. xix. uti etiam Hieron. Ambros. & tractatores Latini omnes omittunt Ἄγαρ ante Σινᾶ; unde vestigia veræ Lectionis videor sequi, cū *τὸδε* retineam, censeamque illud Ἄγαρ corruptè ex voce ᾗ natum fuisse. (3°) omitto vocem *νῦν* quæ fuit inter τῇ & Ἱερουσαλήμ, quia versiones Arab. & Syr. eam omittunt: equidem arbitror illam hîc additam temerè ab aliâ quàm Apostoli manu fuisse, ut voces τῇ νῦν Ἱερουσαλήμ melius opponantur vocibus

sequentibus ἡ ᾧ ἄνω Ἱερουσαλήμ. (4°) pro ἡ ᾧ ἄνω Ἱερουσαλήμ legendum velim ἡ ᾧ ἀπὸ Ἱερουσαλήμ: levis est sanè mutatio, nam in primis illis temporibus ο semper ferè pro ω scriptum fuit, ut in vetustissimis tum MSS, tum marmoribus videmus. Quod si legamus ἀπὸ, optimè, opinor, commata 24 & 26 sibi invicem respondebunt: ut in sequenti schemate facile videbis.

Com. 24.

Μία μὲν
ἀπὸ ὄρους Σινᾶ
εἰς δεξιάν γεννώσα
ἥτις ἐστὶν Ἀγαρ

Com. 26.

Ἡ ᾧ
ἀπὸ Ἱερουσαλήμ
ἐλθούσα ἐστὶν
ἥτις ἐστὶ μήτηρ πάντων ἡμῶν.

Secundum foedus, hoc est Evangelium, bene dicitur ab Hierosolymâ datum fuisse; quia id ibi primum Christus suis discipulis communicavit: eodem igitur modo hoc ab Hierosolymâ datum fuit, quo vetus illud à monte Sina: & hoc ipsum dicit vaticinium illud Isai. ii. 3. Λόγος κυρίου ἐλάσει ἐξ Ἱερουσαλήμ. (5°) illa verba τὸ ᾧ ᾧ Σινᾶ ὄρος ἐστὶν ἐν τῇ Αραβίᾳ, Ὡς οἰχεῖ ᾧ τῇ Ἱερουσαλήμ in Parenthesi inclusi; quia ea mihi videntur addita fuisse, ut Galatæ cognoscerent, quo in loco, quâ in orbis regione iste Mons Sina stetisset: vocem igitur Ὡς οἰχεῖ reddidi *conjunctus est*, ut eam reddat Vulgata versio; cui simile est, quod habet versio Arabica, *conterminus est*: nempe Judæa montibus continuis plena est; quapropter Sina mons à rubro mari incipiens, & perpetuo dorso versus montem Sionem se extendens, dici potest *conjunctus* esse Hierosolymæ, præsertim cùm ii, quibus hoc dicitur, in longè diffitis terræ regionibus habitent. Interim dubito, hæne voces in Parenthesi inclusæ, ab Apostoli, an ab aliis manu venerint: videntur quidem olim extitisse in margine, ut annotationi essent voci Σινᾶ in com. 24, & inde paulo post in textum temerè adductas fuisse: Sed omnes & versiones antiquæ & MSi eas retinent: quapropter, me authore, non ejicientur: præsertim cùm sensum totius loci aut nihil, aut parum certè turbant, si modò credas Apostolum voluisse Galatis Asiæ incolis notum facere, quo in loco situs esset mons ille Arabicus Sina, unde Judæis primum illud foedus per manus Moyfis datum fuisset.

Hanc meam conjecturam si non probes, at est certè aliquid in

in Benteleianâ quod tibi displiceat: memento, quæso, me huc timidè accessisse, nihilque certi de me promississe: tam enim corrigi quàm corrigere volo, nec veritatem minùs amplector ab aliis, quàm à me ipso deprehensam.

5. §. Restat adhuc alius N. T. locus, non quidem à Cl. Benteleio malè emendatus, sed malè, opinor, explicatus: in concione enim quâdam (optimâ sanè & dignâ Authore) habitâ ab illo illustri Critico coram Academiâ Cantabrigiensi bene monet ille vocem πολλοί, cùm sibi præfixum habet articulum οἱ, passim ferè in N. T. significare non *multos*, sed *maximam partem*, aut *omnes*: hoc verè observatum est in Rom. v. 15, 19. in Hebr. ii. 9. & ix. 28. & alibi. At in 2 Cor. ii. 17. (quod illi Concionis subiectum fuit, cujusque gratiâ hoc observârat) non rectè mihi videtur Lectoribus velle persuadere, voces οἱ πολλοί significare aut *maxima pars* aut *omnes*. De solis Christianis doctoribus ibi loquitur Apostolus; qui enim cauponantur verbum Dei, qui id quæstus causâ corrumpunt, non alii esse possunt, quàm qui id prædicant. Tûne igitur, mi charissime, censes D. Paulum hanc tantam corruptelæ notam velle aut omnibus, aut plerisque tunc temporis Evangelii prædicatoribus inurere? absit, hoc ut vel Tu & Ego, vel Benteleius ipse (modò rem attentè cogitet) dictum ab Apostolo credat: nulla ætas, nulla, inquam, multo minùs prima illa Ecclesiam ita contaminatam vidit: hæc nec Christiani est, nec ad Christianos vox & oratio: multi, fatemur, non tamen omnes, suâ etiam tum prædicandi licentiâ abusi sunt: hos solos Apostolus notat; reliquam verò, & eam longè maiorem, partem Christum verè prædicâsse & novit ille, & in multis suarum Epistolarum locis agnovit.

Habes, vir amicissime, quid sentiam de iis quæ in N. T. adhuc ausus est Cl. Benteleius: singulatim ejus conjecturas ad examen revocavi, meumque hujus judicio, fidentior forte quàm decuit, opposui: illius gloriæ tantis laboribus partæ nec invideo nec obesse volo: neminem novi, qui ad hoc tam arduum opus conficiendum aut ingenio, aut doctrinâ, aut MSS sit instructior: sed si nimium arroganter omnia velut certissima proferat, in suspensionem erroris etiam ea, quæ veri sint simillima, adducet: sin quid indigenter tractet, suæque apud literatos auctoritati nimium tribuat, fieri non æquum est, ut quæ ille otiosè scripserit, nos etiam
otiosè

otiosè legamus. Quare illum leniter fideliterque à suis necessariis monendum velim, ne quid desidiosè, ne quid properè, ne quid sine subactò judicio in sacris libris emendandis statuatur: monere enim, priusquam inceperit quis, satius est, quàm culpàre, postquam finierit: hoc inimici est fortasse, illud certè amicissimi.

Sed vereor ne longior sim, quàm aut res postulat, aut patitur Epistolarum ratio: me commendatum velim celeberrimo——quo & amico & medico olim apud vos ægrotans usus sum: magni ille & suos & suorum opiniones facit, quare meâ cum bonâ veniâ has illi literas communicabis. Brevi, quæso, mihi rescribas quid tu de his & aliis rebus sentias, quidque apud vos novi aut in Re Politicâ aut Literariâ agatur: Vale, memorque esto mei, qui sum (interjecto licèt mari) animo tibi semper præsens, & devinctissimus.

Dabam Londini
Calendis De-
cembr. 1720.





AD EUNDEM

EPISTOLA

A L T E R A.

GAUDEO equidem, Vir Amicissime, meas literas tibi in manus tuò venisse, easque, quas mihi rescribere dignatus es, ad me tam brevi delatas esse: unum hoc me dolet Vos iisdem, quibus Nos, fortunæ vicibus jactari: Vestrae enim gentis calamitates (Nostris heu! simillimas) iis coloribus depingis, tantâ cum eloquentiâ & patriæ simul amore luges, ut eas mihi videor non solùm audire, sed cernere; non solùm cernere, sed iis interesse: Bene igitur de literatis meruit Wetstenius vester, cujus prælum (ut ais) tam otioso licet & alieno tempore non feriat, sed in Ciceronis operibus ornatè & accuratè (utî tantum scriptorem videri decet) edendis laborat: semper enim Hunc amavi, optimum & Oratorem & Philosophum: semper hunc in manu, penè etiam in mente habeo: equidem dubito, plùsne ille rhetoricæ figuris, an argumentorum pondere valeat; magisne nos moveat, an doceat; apriorne sit ad delectandum ornatu, an veritate eorum quæ dicit. Mihi sanè tantopere placet, ut alii (nec mediocres ipsi authores) minùs incipiant placere: Unum hunc existimo Romanæ Eloquentiæ patrem, unum sanioris philosophiæ magistrum, unum rerum & ab aliis & à se gestarum dulcem eundemque perspicuum enarratorem. Semper illum legens mihi loquentem videor audire: totus in illo sum, nec ad alias cogitationes me traduci faciliè patior. Cùm ad ea, quæ scripsit, animum adverto, in conspectum Consularis illius viri arbitror me venisse, reveorque, tanquam præsentis,

sentis, tum gravitatem hominis & sapientiam, tum ingenium & doctrinam. Si quid vitiosi habet Ciceronianum scribendi genus (ut sunt nonnulli, qui ei prolixè nimis omnia enunciata exprobrant) non solum patienter, sed & latè in illo versor, nec tam felicem omnium rerum exornatorem citò à me dimitto. Diutiùsne loquitur? diutius me delectat: res easdem diversis verbis, sed ornatis omnibus, exprimit: nec id idem facile appelles, quod alio prorsus modo tam bellè depictum videmus. Volo, fateor, volo in optimis scriptoribus aliquid se nimium profundat: si in iis est, unde aliquid amputandum sit, at foecunditas illa quæ laborem legentis auget, auget certè & voluptatem. Cùm igitur hoc animo in illum Scriptorem sim, cùm mihi semper in deliciis sit, nec ille majorem in scribendo voluptatem perceperit, quàm ego in illo legendo; bene intelliges, quas & quantas gratias habeam Clarissimo nostro Bentleio, qui tantum de Cicerone, Ciceronisque amantibus meruit in suis ad Tusculanas disputationes Emendationibus. Illas sæpe perlegi, sæpiùs etiam perlecturus; in illis enim & eloquenti Oratori dulcedinem, & gravi Philosopho ratiocinandi perspicuitatem passim ferè restituit. Quot, quantisque Orationis morbis & argumentandi vitiis jam levatus est egregius iste Scriptor? quàm sui similis jam intellectui legentium patet? quàm per omnia prope tandem videtur voluisse esse etiam iis, qui non sunt eruditissimi, familiaris? Sed de Cicerone iisque, quorum ope jam emendatior prodit, satis est: Ad tuas literas redeo.

Dicis te valdè ea probare quæ contra magni Bentleii conjecturas in superiori meâ Epistolâ attulerim: unum tamen excipis, quod tibi non ita sanum videtur. Si quid peccârim, excusationem paratam habeam; velim enim credas me facilitate potius quàm aliâ ullâ culpâ meâ in eum sermonem incidisse, tibi que, magis ut Amicitiam meam quàm Me ostentem, hortanti non defuisse. Sed quid est id, quod in dubium vocas? quid est, quod tibi pene cum assentandi suspitione meum iudicium probanti non satis placet? Nempe ais te meis rationibus penitus adductum esse, ut arbitrareris Clarissimum Bentleium Gal. cap. iv. Comm. 24, 25, 26. ad examen non satis revocasse; meamque conjecturam te magni voluisse facere, si exemplo aliquo probâssem post *μία μὲν* alibi in fine sententiæ *ἢ ᾗ* secutum esse. Quid si nullibi hoc occurrit

currit loquendi genus? Nihilne *semel* (ut vocant) *dictum* legimus in sacris scripturis? Tu quidem (quâ scientiâ es) non ignoras, vir charissime, Judæorum Græcâ linguâ utentium morem esse, aliter sæpe loqui, quàm se exprimunt Isocrates & Xenophon, aliter quàm Atticæ elegantiae ratio videtur postulare: in optimis Græcis scriptoribus post *μία μὲν* habes *ἑτέρα ᾗ*, in sacris verò Evangelistis & Apostolis post *μία μὲν* occurrit sæpiissime *μία ᾗ*: sed & *ἡ ᾗ* vice *ἑτέρα ᾗ* posterioribus hisce non inusitatum videtur: cum enim in Marc. xiv. 19. & Joan. viii. 9. dicitur, *Ἐἰς καθ' αἵς*, vox *καθ'* (vocali omiſſâ propter sequentem vocalem, & literâ τ in θ mutatâ propter asperum spiritum vocis sequentis αἵς) mihi sanè, ut multis aliis, videtur posita esse pro *κατὰ*, & id etiam pro duabus vocibus *καὶ αἵς*; cum hoc (inquam) inter multos Lexicographos facile constat, opinor equidem Apostoli Pauli verba, quæ occurrunt in Rom. xii. 5. *Ὁ ᾗ καθ' αἵς ἀλλήλων μέλη* sic interpretanda esse, *alter autem & deinde alter sui invicem sunt membra*. Habes igitur hoc in loco voces *ὁ ᾗ* oppositas voci *αἵς*: nec deest alius etiam locus, quo confirmari possit hanc loquendi formulam Judæis Græcè loquentibus non ignotam esse: in tertio enim Maccabæorum libro sic scribit Historicus ille (quisquis fuit, quanquam Judæi alicujus in Alexandriâ habitantis id opus fuisse videtur) *ὁ ᾗ καθ' αἵς* (sic enim censeo legendum, non *ὁ καθ' αἵς ᾗ*) *τὸ φίλων συνθροπῶς ὑπεκρέων*, &c. *alter autem & deinde alter amicorum mæsto vultu clam evanescens*, sive *se subducens*, &c. Quo igitur modo in duobus hisce exemplis *ὁ ᾗ* præcedit vocem *αἵς*, eodem etiam sequi potest: nec aliter Apostolus noster in epistolâ ad Galatas loqui putandus est, cum dixit *μία μὲν* & deinde *ἡ ᾗ*, quàm istius Maccabæorum libri Autor, & ipse D. Paulus se exprimunt, quum hâc locutione *ὁ ᾗ καθ' αἵς* utuntur.

In fine tuarum literarum me hortaris, ut quas meas de sacris scripturis Conjecturas habeam, in medium proferam: nempe dixeram in superioribus literis me multa in *Commentariolis meis jau diu notata servare*: Equidem deprehensum me video, meisque verbis quasi irretitum: instas enim iterum atque iterum ut ea ex scriniis temere nimis educam, quæ ibi jam diuturno eodemque tuto domicilio fruuntur. Sit neganti mihi, precor, venia; des hanc excusationem tuum judicium non quidem reformidanti, sed reverenti. Quid enim? si mihi mea nonnihil placeant, tibi for-

rasse non item : laboro de meâ apud te existimatione ; nolim tibi
 aut ineptus aut inscitus videri : cur igitur vis me tantum amicitiae
 tribuere, ut velim ei etiam cum famae dispendio servire ? Nec sum
 Ego unus ex Criticorum illustrium numero ; nervi me tentantem
 deficiunt, sentioque tum acumen ingenii, tum eruditionis copiam
 mihi multum deesse. Quid igitur faciam, quò me vertam, nes-
 cio : tibi enim vix libet obsequi petenti, ut id agam, in quo in-
 solens esse videbor ; minus autem libet istam orationem defugere,
 quò tuæ preces me inclinant & quodammodo impellunt : tu apud
 me vales non autoritate solum, sed etiam voluntate ; meumque
 est semper ad id opus descendere, quod significas te Velle à me
 susceptum esse : quanto igitur magis, cum jubes, omnique tuâ
 autoritate pugnas, quo minùs hoc onus tam arduum, quàm pe-
 riculosum mihi impositum effugiam ? Hoc igitur ingredior ad ea,
 quæ vis, fidentiùs, quod spero me visurum esse, si non gravatè,
 certè non libenter, tuo magis iudicio inductum, quàm meo stu-
 dio hunc sermonem instituere. In Epistolis solis Apostoli Pauli
 cæterorumque Apostolorum jam versabor, quæ de reliquis Novi
 Testamenti partibus corrigendis conjeci in aliud forsan tempus di-
 laturus. Imò ne corrupta ea Epistolarum loca, quæ MSorum
 ope emendari possunt, liber jam tractare : nihil non prorsus me-
 um proferam, nihil quod non conjecturâ solâ nititur. In tres au-
 tem classes meas emendationes (seu potiùs incertas conjecturas)
 tribuam : quarum prima continebit ea loca, ubi verba quædam
 in textum temere recepta fuisse mihi videntur ; secunda ea, ubi
 mutatus ordo verborum sensum (ut conjicere est) mutavit ; ter-
 tia ea, ubi Apostolorum verba jam diuturnitate temporis in alia
 prorsus corrupta & vitiosa videntur abiisse. Interim te præmoni-
 tum velim, me nihil certi, sed conjecturas tantum proferre : non
 is sum, qui mihi ita placeo, ut non me sæpius videam errantem,
 ut non semper putem humanum esse, imprimis verò Meum esse,
 errare. In scripturis sacris (dicam equidem quod sæpe mecum
 cogitavi, semperque aliis cogitandum censeo) etiam qui certissi-
 mam emendationem protulerit, si idem eam certissimam esse de-
 clarat, impudentiæ nomen vix effugiet. Ubi enim probi & vere-
 cundi animi iudicia quærimus, si non in iis, unde omnis nostra
 pender, à quibus omnis nostra, tanquam rivulis, deducitur Reli-
 gio ? Ad divinum verbum legendum, multo magis emendandum,
 oportet

oportet Criticos humiliter cauteque accedere: hîc audere est peccare, arrogantem se gerere est impius esse: tanti enim res momenti non sunt levi (ut aiunt) manu movendæ: nec modestus Christianus potest esse idem audax Criticus: sed jam tempus est ut singula illa loca Epistolarum proferam, ubi voces, una aut plures, in textum temerè receptæ esse mihi videntur.

I. §. Rom. i. 31. Ἀσυνέτες, ἀσυνθέτες, &c. forte delenda est vox ἀσυνέτες, qui enim carent intelligentiâ, improbi non sunt: at dices forte vocem ἀσυνέτες posse significare eos qui libenter sunt insipientes: fateor; sed notandum est Paulum sic argumentari; quia ἐσκοτίσθη ἡ ἀσύνεσις αὐτῶν καρδία, com. 21. ideo Deus eos tradidit ποιεῖν τὰ μὴ καθήκοντα com. 28. Deinde Paulus com. 29, &c. plurima genera hominum contra Ethicam agentium memorat. Num igitur censes ἀσυνέτες ab illo inter male agentes recenferi?

Rom. ii. 28. Οὐδὲ ἡ ἐν τῷ φανερῷ, ἐν σαρκί, περιουσία. Voces ἐν σαρκί puta additas fuisse in margine MSorum, ut interpretamento essent vocibus ἐν τῷ φανερῷ: bene exprimunt sensum loci, sed in textum ipsum non opus est, ut recipiantur, cum eodem jure hîc deesse possunt, quo defunt in superiore parte sententiæ.

Rom. viii. 21. Ἐπ' ἐλπίδι, ὅτι καὶ αὐτὴ ἡ κτίσις ἐλευθερωθήσεται ἀπὸ τῆς δουλείας, &c. Voces ἡ κτίσις non esse ab Apostoli manu profectas conjicio: additæ videntur olim fuisse in margine, ut ostenderent ad quod substantivum vox αὐτὴ referri deberet. Si com. 20. inoludas in Parenthesi, com. 19. sic cum 21. conjungatur, Ἡ γὰρ δουλοκαρδονία τῆς κτίσεως τὴν ἀποκάλυψιν τῶν ἡν ὁ Θεὸς ἀπέκδεχε (τῇ γὰρ μαλακίᾳ ἡ κτίσις ὑπετάγη, ἐκ ἑκστα, ἀλλὰ διὰ τὴν ὑποτάξιν) ἐπ' ἐλπίδι, ὅτι καὶ αὐτὴ ἐλευθερωθήσεται ἀπὸ τῆς δουλείας, &c. Vides, opinor, jam satis per te claram esse sententiam, sine hoc (quod marginis esse censeo) vocum additamento.

Rom. xiv. 13. Τὸ μὴ τίθεναι πρόσκαμα πρὸ ἀδελφοῦ, ἢ σκάνδαλον. Delendæ sunt forsitan hæc duæ postremæ voces: mihi quidem videntur è Glossâ huc venisse, videoque tandem eas versionem Syriacam omisisse: bene exprimunt sensum vocis πρόσκαμα, ideoque (puta) margini MSorum veterum appositæ erant. Cur non idem hîc contigisse suspicemur, quod certè contigit com. 21^o hujus capituli? Cum enim ibi vulgò legimus, μηδὲ ἐν ᾧ ὁ ἀδελφεὸς σε προσκώπτει, ἢ σκανδαλίζει, ἢ ἀδικεῖ, MS Alex. versionesque Copt. Syr. & Æthiop. necnon Orig. & Augustinus delent omnia

post vocem προσκόπτει, utpote in textum temere adducta ex margine, ubi bene interpretamenti usibus serviebant.

Rom. xv. 15. Ὡς ἐπαναμνησκῶν ὑμᾶς διὰ τὸ χάριν τὴν δοθεῖσάν μοι ὑπὸ τοῦ Θεοῦ. Quid est, quod illis in mentem velit venire Apostolus? silet prorsus hâc in re Paulus, hiantrique similis est ejus sententia. Quod si deleas vocem διὰ, bene intelliges quo sensu hæc verba protulit divinus scriptor: sic opinor vertendum esse locum, ut vobis in memoriam revocans gratiam, quæ mihi data est à Deo. Hoc est, audaciùs ego vobis scripsi, quia vos memores feci me Dei gratiâ missum esse, ut inter Ethnicos evangelium prædicarem. Verbum ἐπαναμνησκῶ regit binos casus Accusativos, quo modo ἀναμνησκῶ in 1 Cor. iv. 17. Ὅς ὑμᾶς ἀναμνησέτω τὰς ὁδὸς μὲν τὰς ἐν χειρῶν. Video versionem Copticam delere vocem διὰ, & vertere ὑπὸ τοῦ Θεοῦ per Deum: forte nonnulli codices olim legebant & διὰ τοῦ Θεοῦ, & ὑπὸ τοῦ Θεοῦ, alterâ harum lectione vel supra lineam vel in margine notatâ: unde fieri potuit, ut lectio varians διὰ tandem in textum ipsum & in alienam prorsus textûs partem reciperetur.

1 Cor. i. 12. Ἐγὼ μὲν εἰμι Πάυλος, ἐγὼ δὲ Ἀπολλῶν, ἐγὼ δὲ Κηφᾶ, ἐγὼ δὲ Χρυσῶ. Ignoscēsne mihi opinanti ista verba ἐγὼ δὲ χρυσῶ delenda esse? Equidem nihil affirmo, sed de verâ loci lectione multum dubito: omnes certè Corinthii Christiani se discipulos Christi professi sunt: hic communis illorum etiam, qui in diversa studia abierunt, magister fuit: de iis opinor solis, per quos Christum didicerant, ipsi inter se disceptabant: putâsne partem aliquam eorum jactâsse se didicisse à Christo, partem verò se non à Christo, sed à Petro, aut Paulo? Nequeo sanè intelligere, quâ fieri potuit, ut eum unus ex Corinthiorum numero se discipulum Christi nominâret, alter se opponeret, jactaretq; se discipulum cujusdam Apostoli fuisse. Quod si delere liceat verba ἐγὼ δὲ χρυσῶ, omnia sana, omnia planè enunciata invenientur. Sensus enim erit: Corinthi nonnulli gloriati sunt se didicisse Christi evangelium à Paulo, nonnulli à Petro, nonnulli ab Apollo: omnes eundem Christum didicerant, sed unus Paulum suum doctorem prætulit cæteris, alter verò Petrum pluris fecit, quam aut Apollo aut Paulum. Hanc meam conjecturam sequentia verba videntur firmare; sic enim in com. 13. interrogat Paulus. Μαρίεται ὁ χρυσῶς; q. d. habētne Christus

Christus diversos Apostolos, qui contraria opera agunt? An non idem est Christus, quem Apostoli, sive Paulus, sive Petrus, sive Apollos, prædicant? Si qui tum Corinthi erant qui se discipulos Christi vocabant, opinor iis Apostoli quæstionem *divisive est Christus* non convenire: quia hi Christum adeò non dividebant, ut eum solum se secutos profiterentur: bene verò se habet Apostoli quæstio, si eos tantum respicit, qui se singulorum Apostolorum nomine insigniri voluerint. Adde quòd D. Paulus in hujus Epist. cap. iii. com. 22. ad hunc ipsum locum videtur alludere: dicit enim, Ἐπεὶ Παῦλος, ἢ Ἀπολλῶς, ἢ Κηφᾶς ὑμῶν ἐστὶν ὑμεῖς ὃ χειρῶν: hic numerat tres magistros, à quibus se appellarent Corinthii; de Christo verò utpote quarto silet: solum illum memorat tanquam ad quem & Apostolici & nostri omnes labores referri debeant. Sed multo magis meæ conjecturæ faveat id, quod in 1. Clementis Epistolâ, cap. 47. scriptum invenio, Ἀναλάβετε τὴν Ἐπιστολὴν τῆς μακαρίας Παύλου τῆς ἀποστόλου. Τὸ πρῶτον ὑμῖν ἐν ἀρχῇ τῆς εὐαγγελίας ἐγραψεν; ἐπ' ἀληθείας πνευματικῶς ἐπέσειλεν ὑμῖν πρὸς αὐτὰς τε, καὶ Κηφᾶ, καὶ Ἀπολλῶν, διὰ τὸ ὅτι τότε προσκλήσεις ὑμᾶς πεποιθῶν. Hic Sanctus Clemens ad ipsum, quem tractamus, locum Pauli respicit: tres illos doctores Corinthiorum nominat, dissensionesque ab iis, qui se horum discipulos jactarent, factas memorat; de iis verò, qui se Christi discipulos vellent esse, prorsus nullum est verbum; eorum tamen (ut par est credere) mentionem fecisset, si in suis temporibus voces ἐγὼ ὃ χειρῶν pro parte sacri textus haberentur.

1 Cor. xii. 28. Ἔπειτα δυνάμεις, ἢ χαρίσματα ἰαμάτων, ἀνιλήψεις, κυβερνήσεις, γένη γλώσσων. Ad voces ἀνιλήψεις, κυβερνήσεις explicandas quis commentator non fidens accessit? Quis est tamen ferè, quem non in iis videmus frustra sudare, ne dicam nugari? Sunt qui, ut hæc verba explicent, duo in Ecclesiâ constituunt officia ab Episcoporum, Presbyterorum, Diaconorum officiis diversa: sunt autem qui his verbis designari volunt duo ex illis notis & indubitatis in Ecclesiâ officiis. Ego interim voces ἀνιλήψεις & κυβερνήσεις diu in suspectarum numero posui; fortasse huc irrepsertunt è margine, ubi appositæ erant utræque ad explicandam duobus modis vocem δυνάμεις: Vox δυνάμεις (quæ significat hic *miracula*) nonnullis, puto, olim videbatur significare *auxilia*, ut in 2 Cor. xii. 9. unde forte scripserunt in margine codicum ἀνιλήψεις, quæ vox hunc

hunc sensum habet in Act. xx. 35. Nonnullis verò olim videbatur significare *imperia*, ut significat in Rom. viii. 38, unde eam forte explicarunt per marginalem vocem κυβερνήσεις. Ex incertâ scilicet significatione vocis δυνάμεις binas has voces in margine natas opinor: & ex margine in textum facilis fuit hîc, ut alibi, transitus. In eaque magis sententiâ sum, cùm video Apostolum nostrum in com. 29, 30 omnes partes huiusce com. 28. repetere, exceptis his duabus; quas tamen, vix dubito, quin si ille in com. 28. scripsisset, in com. 30. denuo aut iisdem, aut idem significantibus verbis prorulisset.

2 Cor. i. 4. Ἐν τῷ δυνάμει ἡμᾶς παρακαλεῖν τὰς ἐν πάσῃ θλίψει. Delendam censeo vocem πάσῃ, quæ mihi videtur huic loco malè hære, & ex superiore parte sententiæ huc adductam fuisse: *ut nos possemus consolari illos qui sunt in omni afflictione*, imò cur non & illos qui sunt in aliquâ, qui ex unâ solâ parte miserabiles sunt? Legas modò locum, & hanc meam suspicionem non temerè natam forsitan agnosces.

2 Cor. ix. 8. ἵνα ἐν παντὶ πάντοτε πᾶσαν εὐταρκείαν ἔχοντες περισσεύετε εἰς πᾶν ἔργον ἀγαθόν. Hîc etiam suspicor vocem ἔργον ex margine codicum in sacrum textum incidisse; quod eò vehementius suspicor, quò magis hanc vocem video mentem Apostoli evertere: *ut in omni semper omnem sufficientiam habentes abundetis in omni bono*, quid? opere: opinor Apostolum non hoc velle; sed *in omni* quod vocatur fortunæ bono, sc. in omnibus divitiis. Nempe hîc Paulus hortatur Corinthios, ut largi sint ad pauperes Judæos facultatibus suis sublevandos, docetque Deum posse eos ita ditare, ut omnibus opibus abundant. Sic sacri scriptores sæpius per τὸ ἀγαθὸν divitias propriè dictas significant, ut in Matr. vii. 11. Luc. xii. 18, 19. & sic Paulus ipse voce utitur in Gal. vi. 6. Eph. iv. 28. Quod cùm ignorarent Librarii, aut siqui alii indocti, vocem ἔργον videntur vel supra lineam vel in margine posuisse ad supplendum id, quod ipsi sensum fuisse vocis ἀγαθὸν crederent. Com. 9. & 10. in Parenthesi inclusa, & com. 11. huic loco conexum hanc meam conjecturam firmat; ibi enim parer Apostolum loqui, ut hîc in com. 8. de divitiis, non de operibus bonis. Videoque jam versionem Copticam mecum consentire, cui (ut plerumque solet) forsitan respondisset MS Alex. nisi in toto hoc capite infelicitè defecisset.

2 Cor. x. xi. Οἳ ἐσμὲν τῷ λόγῳ δι' Ἐπιστολῶν ἀπέντες, τῆς αὐτῆς καὶ παρόντες τῷ ἔργῳ. Voces δι' Ἐπιστολῶν mihi quidem videntur interpolantis manūs indicia habere: patet enim ex com. 9. & 10. Paulum de Epistolis suis loqui: quocirca bene hinc abesse possunt: ac cum per vocem λόγῳ (non observatā simul voce ἀπέντες) liceret intelligere aut vocem loquentis, aut verba scribentis, aliquis fortitan adjecit δι' Ἐπιστολῶν, ut non alium quàm posteriorem hunc sensum vox λόγῳ haberet.

Eph. ii. 5, 6. Ἡμᾶς ζωοποίησε τῷ χρεῶ, χάριτι ἐστὶ ζωοσμένοι, καὶ ζωήγαγε, &c. Ni multum fallor, voces χάριτι ἐστὶ ζωοσμένοι delendæ sunt: ex principio com. 8. in hunc locum, tanquam alienam possessionem, injuriā videntur venisse: lege totum locum, & invenies, opinor, quàm nitorem & ordinem sententiæ turbent hæ voces, dissociantes verba ζωοποίησε & ζωήγαγε ejusdem temporis, & per copulativam καὶ sibi conjuncta. Tandem video Chrysostomum has voces, ut omitendas censueram, omisisse.

1 Pet. i. ii. Ἐρθεῖν ἄντες εἰς τῖνα ἢ πόσον καιρὸν ἐδήλας τὸ ἐν αὐτοῖς πνεῦμα χρεῶ. An non satis fuit dicere εἰς τῖνα καιρὸν, omisis vobis ἢ πόσον? Equidem sic arbitror: cum vero vox τῖς incertæ sit sæpius significationis, aliquis videtur adjecisse ἢ ποῖον, ut vox τῖς non alium quàm quale sensum hęc haberet. Porro hanc meam conjecturam firmant versiones Syr. & Copt. quæ unum solum verbum interpretatæ sunt.

2 J. Sed de iis satis dixi, quæ mihi videntur sacris N. T. libris addita esse; quibus in locis ordo verborum ita mutetur, ut ea nullum præ se sensum, aut incommodum sanè ferre opiner, jam dicturus sum.

Rom. xiii. 4. Θεὸς ὃς ἀγέκονός ἐστιν, ἐκδικεῖ εἰς ὀργὴν τὸ τὸ κακὸν πράσσοντι. Hęc ordine puto voces legendas, Θεὸς ὃς διέκονός ἐστιν εἰς ὀργὴν, ἐκδικεῖ τὸ τὸ κακὸν πράσσοντι: in principio enim com. dixerat Apostolus Θεὸς ὃς ἀγέκονός ἐστιν εἰς τὸ ἀγαθόν; ut igitur paria paribus respondeant, in fine com. εἰς ὀργὴν conjungi debet cum voce ἀγέκονος. Quid sibi velit ἐκδικεῖ εἰς ὀργὴν, prorsus nescio; sed in novo hoc verborum ordine, & sanum sensum & Græcè loquendi rationem agnosco. Addamne ad fidem meam conjecturæ faciendam, versionem Arabicam non aliter ordinem verborum instituisse, & MSS Clar. & Ger. εἰς ὀργὴν post ἐκδικεῖ omisisse?

1 Cor. xiv. 19. Εὐχαριστῶ τῷ Θεῷ μου, πάντων ὑμῶν μᾶλλον
 γλώσσαις λαλῶν· ἀλλ' ἐν ἐκκλησίᾳ θέλω πέντε λόγους διὰ τοῦ νοῦ μου λα-
 λῆσαι, ἵνα καὶ ἄλλους κατηχήσω, ἢ μυρίας λόγους ἐν γλώσσῃ. Neminem
 bonum scriptorem cenſeo voce μᾶλλον cum caſu Genitivo in hoc
 ſenſu uſum eſſe: certè nullibi hanc loquendi formulam invenies
 aut in LXX aut in N. T. Adde, quòd θέλω ἢ pro malo mihi ne
 Græcum videtur: memini, fateor, codicem Romanum LXX ſic
 locum Oſeæ cap. vi. com. 6. exhibere, ἔλεϑεν θέλω, ἢ θυσίαν; ſed
 ibi in MS Alex. meliùs legitur, non ἢ, ſed καὶ οὐκ, ut propriè ſig-
 nificat vox Hebraica *Velo*: ad eundem modum omnes veteris
 Teſtamenti verſiones locum Oſeæ interpretatæ ſunt; nec aliter
 eum Chriſtus in Evangelio Matthæi citavit. His rationibus ad-
 ductus ſic totam ſententiam reſingendam velim: Εὐχαριſτῶ τῷ
 Θεῷ μου, πάντων ὑμῶν γλώσσαις λαλῶν· ἀλλ' ἐν ἐκκλησίᾳ θέλω πέντε
 λόγους διὰ τοῦ νοῦ μου λαλῆσαι —, μᾶλλον ἢ μυρίας λόγους ἐν γλώσσῃ.
 Nunc ſana ſunt, opinor, omnia: ſenſus facilè apparet, nihilque
 contra leges Græcæ linguæ peccatur: Meæ certè conjecturæ fa-
 vent MS Mag. 1. & verſio vulgata: vocem enim μᾶλλον in com.
 18. penitus omittunt, quo modo etiam Ambroſius & Scholiaſtes
 ſub nomine Hieronymi: porrò omnes veteres verſiones habent
potius ante quàm in com. 19. Sed & verſio Æthiopica (utut aliis
 in locis valdè corrupta) veram huius loci lectionem vidit, cum
 vocem μᾶλλον in com. 19. per *potius* redderet, & in com. 18. pror-
 ſus omitteret.

2 Cor. v. 5. Ὁ ὃς κατεργαſάμενός ἐſται ἡμᾶς εἰς αὐτὸ τῆτο, Θεός. Nul-
 libi in N. T. vocem κατεργάζεσθαι cum accuſativo caſu perſonæ in-
 venio: nec ſignificat hæc vox (id quod pro ſenſu loci exhibent
 verſiones) *fecit*, aut *condidit*. Equidem ſic opinor verba ordine
 diſponenda, ὁ ὃς κατεργαſάμενός ἐſται ἡμᾶς αὐτὸ τῆτο, Θεός. Sic
 Græcæ linguæ ratio ſervatur: etenim κατεργάζεσθαι εἰς ἡμᾶς eſt
operari in nobis: notum eſt enim omnibus penè literatis præpoſi-
 tionem εἰς pro ἐν ſæpiſſime uſurpari ſolere; eodem igitur modo,
 quo hic, locutus eſt D. Paulus ad Rom. vii. 8. ubi legimus, ἡ ἁμαρ-
 τία κατεργάſατο ἐν ἐμοὶ πάσαν ὀπιθυμίαν. MS Alex. deficit hoc in
 loco; ſed verſio Coptica (ei paſſim ferè reſpondens) eo, quo ve-
 lim, modo verba ordinat, ſic enim locum interpretatur, *Qui
 autem hoc operatus eſt in nobis, ipſe Deus eſt.*

2 Cor. xii. 6. Φείδομαι ὃς, μή τις εἰς ἐμὲ λογιſθῇ ὡς ὁ βλέπει
 με,

μὲ, ἢ ἀκέραι ἐξ ἐμῶ. Ut se jam habet sententia, vereor ne non Græcè satis loqui videatur Apostolus. Quid enim significat λογίζεσθαι εἰς τίνα? mihi quidem parum placet hoc loquendi genus, non alibi in N. T. occurrens, nec sanum satis sensum exhibens. Hic igitur etiam ordinem verborum mutandum esse censeo, ut sic se habeat sententia; φέρομαι γὰρ, μή τις ἐμὲ λογίσῃ ὡς ὁ βλέπει εἰς ἐμὲ, ἢ τι ἀκέραι ἐξ ἐμῶ. *Abstineo autem, ne quis me existimet supra id quod videt in me, aut supra quid audit ex me.* Familiare est, & usitatum Paulo dicere λογίζεσθαι τίνα *judicare de aliquo, existimare aliquem*, ut videre est in 1 Cor. iv. 1. & alibi: neminique ferè docto ignotum esse potest voces βλέπει εἰς ἐμὲ significare, *videt in me.* Denique versiones Vulg. Copt. & Æthiop. ita olim legisse videntur, interpretantur enim præpositionem εἰς, non ante verbum λογίσῃ, sed post verbum βλέπει. Porro pro ἀκέραι τι quod in vulgatis editionibus extat, lego τι ἀκέραι, sic enim ordinem servat versio Vulgata, & reddit *aliquid audit*: sed per τι hoc in loco non credo significari *aliquid*, sed *quid*, seu *id quod*, voce ὡς subintellectâ; quasi dixisset Apostolus ὡς ὁ βλέπει εἰς ἐμὲ, ἢ ὡς τι ἀκέραι ἐξ ἐμῶ: ut jam vulgò se habet ordo verborum, relativam τι redundat, ne dicam sententiam conturbat.

Eph. iii. 18, 19. ἵνα ἐξικύσῃτε καὶ ἀλαβείσθαι, ὅν πάσι τοῖς ἁγίοις, τί τὸ πλάττω, καὶ μῆκω, καὶ βάθος, ὃ ὑψώθη γνώναί τε τὴν ὑπερβάλλουσαν τῆς γνώσεως ἀγάπην ἧς χρεῖσθαι. Cujus, velim scire, rei latitudinem & longitudinem, profunditatem & sublimitatem cupit Apostolus Ephesios comprehendere? ipse sanè non dicit, videtur igitur hiatu laborare sententia. Adde quod ὑπερβάλλουσα τῆς γνώσεως non satis Græca est locutio, cùm ὑπερβάλλουσα nullibi, opinor, casum Genitivum regat: quòd si regere possit, non video, quid significat γνώναί τε τὴν ἀγάπην ὑπερβάλλουσαν τῆς γνώσεως: num hortatur Apostolus eos cognoscere ea, quæ ipse confitetur cognosci non posse? num hoc dicit quivis scriptor sanus, ne dicam divinus? Quòd si locum substantivi τῆς γνώσεως mutemus, fortasse omnia, quæ dura & rudia jam videntur, evanescunt: sic autem legendum conjicio. ἵνα ἐξικύσῃτε καὶ ἀλαβείσθαι, ὅν πάσι τοῖς ἁγίοις, τί τὸ πλάττω, καὶ μῆκω, καὶ βάθος, ὃ ὑψώθη τῆς γνώσεως γνώναί τε τὴν ὑπερβάλλουσαν ἀγάπην ἧς χρεῖσθαι. Meæ huic conjecturæ

videtur favere versio Syriaca, quæ (quamvis non legitur ἡ γνώσις post ὕψος) omittit tamen eam vocem post ὑπερβάλλουσαν.

Eph. iv. 28. Μᾶλλον ἢ κοπιᾷτω, ἐργαζόμενος τὸ ἀγαθὸν καὶ χερσίν, ἵνα ἔχη μετὰδιδόναι τῷ χρεῖαν ἔχοντι. De hac phrasi ἐργάζεσθαι ἀγαθὸν χερσὶ multum dubito. Usitatum est, scio, sacris scriptoribus dicere ἐργάζεσθαι τὸ ἀγαθὸν *facere id quod bonum est*: usitatum est etiam dicere ἐργάζεσθαι καὶ χερσίν *laborare manibus*: sed hæ duæ loquendi formulæ non alibi unâ conjunguntur: Legimus, fateor, in Joan. vi. 27. Εργάζεσθε τὴν βρωσιν *operam cibo impendite*: qui locus huic, de quo agimus, non multum dissimilis esse videtur: sed cum hîc video vocem χερσίν additam vocibus ἐργάζεσθαι τὸ ἀγαθὸν, nequeo multum in vulgata lectione acquiescere. Certè versiones Vulg. Syr. Copt. & Æthiop. alium ordinem verborum habent, nempe ponunt ἀγαθὸν post χερσίν; unde sic forte legenda est & distinguenda sententia; μᾶλλον ἢ κοπιᾷτω, ἐργαζόμενος καὶ χερσίν, τὸ ἀγαθὸν ἵνα ἔχη μετὰδιδόναι τῷ χρεῖαν ἔχοντι: *potius autem laboret operans manibus, ut habeat opes, unde tribuat illi quem necessitas premit*. Et loquitur Apostolus Paulus in 1 Cor. iv. 12. & 1 Thes. iv. 11. verbis iisdem, quibus hîc, καὶ κοπιῶμεν ἐργαζόμενοι καὶ ἰδίαις χερσίν, nullo addito accusativo casu post participium ἐργαζόμενοι: Porro τὸ ἀγαθὸν (ut paulo suprâ dixi in 2 Cor. ix. 8.) significat *opes* sive *divitias*, has enim Ephesios hîc hortatur Paulus sequi manibus, non virtutes Christianas. Nec obstat meæ conjecturæ, quod τὸ ἀγαθὸν præcedat conjunctionem ἵνα, quia sæpissime hoc fit in N. T. ut ex Eph. iii. 18. aliisque multis locis videre est.

3. §. Quid ais tandem, mi vir? nimirumne me in his ineptiis meis effutiendis putas? Tu me precibus huc impulisti; tibi, ut placerem, hanc scriptionem exorsus sum: quocirca jam, quicquid tardii nostra affert oratio, id omne tibi æquo animo ferendum est. Ad alia enim transco, quædam prolaturus loca, vbi voces, non additas, non ex unâ parte sententiæ in alteram adductas, sed prorsus corruptas & vitiosas esse suspicor. Libet sanè experiri quid possim in iis emendandis, ubi nulli MSi quidquam sani videntur exhibere; ubi ex me ipso, non ex codicibus, veritas promenda est, si quidem veritatis aliquid conjecturâ assequi valeam. Reminiscere enim me *non Oedipum esse, sed Davum*. Nihil (ut Critici loqui amant) *certo certius* assero, nihil *meo periculo legendum*

gendum volo: sed velut homo unus è multis, si quid novi in textu sacro videor invenisse, id in incerti loco deputo: sin id novi mihi plus solito arridet, sit probabile, sit verisimile; nihil verò meum dignor glorioso illo *Fixi Certique* nomine.

2 Cor. vi. 12. Ὁυ στενοχωρεῖσθε ἐν ἡμῖν, στενοχωρεῖσθε ὅ ἐν τοῖς πλάγχθοις ὑμῶν. Dura quidem & inelegans videtur hæc locutio: quid enim significat, *arctamini in vestris visceribus*? ego sanè per verba στενοχωρεῖσθε ἐν ἡμῖν puto Apostolum hoc velle: magnam possidetis animi nostri partem, nostrum cor dilatatur ad vos recipiendos & amore ingenti fovendos: qui si sensus sit Apostoli, quomodo intelligenda sunt quæ sequuntur, στενοχωρεῖσθε ὅ ἐν τοῖς πλάγχθοις ὑμῶν? quid? num arctabantur Corinthii in suis ipsorum visceribus? i. e. num non se ipsi multum diligebant? Porro Apostolus in com. 13. ab iis petit τὴν ἀντιμισθίαν, i. e. mercedem ex æquo respondentem: quid est verò, quod responderet amor Pauli in Corinthios, nisi amor Corinthiorum in Paulum? Velim igitur sic locus legatur, & στενοχωρεῖσθε ἐν ἡμῖν, στενοχωρεῖσθε ὅ ἐν τοῖς πλάγχθοις ὑμῶν: Pulchrum jam Antitheton vocum est, & sensus Apostoli facile se explicat. In præcedenti com. dixerat, *Cor nostrum dilatatur* sc. ad vos admittendos & amore prosequendos; tum pergit dicere id quod prioris sententiæ consequens est, *non arctamini in nobis*; sed *nos arctamur in vestris visceribus*, nempe quia illorum corda seu viscera non item dilatabantur; quare in com. 13. sic concludit τὴν ἀντιμισθίαν πλάτυνθητε & ὑμεῖς: quæ verba meæ conjecturæ multum favent: quia, ut cum Apostolus dixerat com. 11. ἡ καρδία ἡμῶν πεπλάτυνθη, addidit hoc velut consequens, & στενοχωρεῖσθε ἐν ἡμῖν; sic cum in com. 13. sic præcipit Corinthiis, τὴν ἀντιμισθίαν πλάτυνθητε & ὑμεῖς, videtur non aliud antè dixisse, quàm (στενοχωρεῖσθε) se arctari in eorum visceribus: & hujus quidem lectionis vestigia adhuc in versione Copticâ servantur, bis enim ibi occurrit vox *affligimur* loco *affligimini*.

Phil. i. 3, 4. Ευχαριστῶ τῷ θεῷ μεθ' ὅτι πάση τῇ μνησίᾳ ὑμῶν (πάντοτε ἐν πάσῃ δέξεται μετὰ ὑπὲρ πάντων ὑμῶν μετὰ χαρᾶς τὴν δέξιν ποιῶμεν) Ἐπὶ τῇ κοινωνίᾳ, &c. Mihi hunc locum expendenti omnia ferè turbata videntur: quid enim hoc, ἐν πάσῃ δέξεται τὴν δέξιν ποιῶμεν? aut hoc, μετὰ χαρᾶς δέξιν ποιῶμεν? aut hoc ὅτι πάση τῇ μνησίᾳ ὑμῶν? Equidem multum vitii huic loco opinor hære, quem con-

jecturâ ductus sic velim legendum, 'Εὐχαριστῶ τῷ Θεῷ μὲν (Ἰπὶ πάσῃ τῇ δέήσει μὲν πάντοτε ὑπὲρ πάντων, ὑμῶν μὲν χάρις ἔμνησιν ποι-
 μέν(Θ)) Ἰπὶ τῇ κοινωνίᾳ, &c. MSi hujus meæ Lectionis quædam vestigia exhibent; sed sensus loci magis me movet, quàm istæ in MSis extantes reliquæ. Vocem εὐχαριστῶ cum Ἰπὶ τῇ κοινωνίᾳ conjungo, cæteris in parenthesi inclusis: & Apostolum puto velle dicere, se gratias Deo agere, quia Philippenſes huic suas divitias communicârunt, ut Judæis inopiâ laborantibus ministraretur. Si mea conjectura recipienda est, huic geminus propè erit ille locus Pauli in 1 Theſſ. i. 2. Εὐχαριστῶμεν τῷ Θεῷ πάντοτε ὡς πάντων ὑμῶν, μνησιν ὑμῶν ποιοῦμενοι Ἰπὶ τῇ προσευχῇ ἡμῶν. Et ille etiam in Epist. ad Ephes. i. 16. Audax nimis essem, si hanc conjecturam, ita à vulgatâ Lectione abhorrentem, præstare vellem; sed (liberè dicam quod sentio), hæc tam ad mentem Apostoli videtur accedere, quàm ab autoritate vulgatæ lectionis recedere.

Phil. i. 23. Τὴν Ἰπιθυμίαν ἔχων εἰς τὸ ἀναλῦσαι, καὶ σὺν χριστῷ εἶναι. Dubito, an Græcè dici possit Ἰπιθυμίαν εἰς τὸ ἀναλῦσαι; videoque præpositionem εἰς deesse in MSS Clar. & Ger. & apud Chrysostomum; unde sic sententiam libet refingere, ἔχων Ἰπιθυμίαν ἔχων ἔνα-
 λῦσαι, καὶ σὺν χριστῷ εἶναι: *habens desiderium revertendi*, &c. Veteres pleræque Versiones reddunt ἀναλῦσαι *dissolvi*; sed acti-
 vum verbum propriè non reddi potest cum sensu passivo. Cum nautæ olim ad aliquem portum advenirent, navigium ad littus funi-
 bus ligabant: cum verò postea tempus redeundi adesset, solve-
 bant iterum funes, & sic retro ferebantur: hoc ipsis vocabatur ἀναλύειν; unde hæc vox (ad alias res translata) significat aut ex itinere terrestri *reverti*, ut in Luc. xii. 36. aut à terrâ ad cælum morte *reverti*, eo sensu, quo dicitur *Spiritus* Eccles. xii. 7. *redire ad Deum qui dederat illum*. Quod autem ad conjectu-
 ram meam attinet, observandum est mutationem πὶ in ἔ levissi-
 mam, seu potius nullam esse; in vetustissimis enim tum MSS, tum Marmoribus ο pro & sæpissimè, pene dixeram semper invenimus.

Phil. ii. 13. Ὁ Θεὸς ᾧ ἐστὶν ὁ ἐνεργῶν ἐν ὑμῖν καὶ τὸ θέλειν καὶ τὸ ἐνεργεῖν. Tene nil movet istud ὁ ἐνεργῶν τὸ ἐνεργεῖν? equidem ar-
 bitror D. Paulum nunquam hoc modo locutum esse: quamvis ni-
 hil adjumenti ad veritatem inveniendam nobis commodant MSi,
 tamen conjecturâ ductus sic locum legendum opinor: Ὁ Θεὸς ᾧ
 ἐστὶν ὁ ἐνεργῶν ἐν ὑμῖν καὶ τὸ θέλειν καὶ τὸ Ἰπιτελεῖν.—Θ ut velitis,
 Θ

Et ut perficiatis. Num sensus aliquid huic simile non postulat? num hæc conjectura non firmari videtur ab eo, quod iisdem pene verbis dicit Paulus in 2 Cor. viii. 11. ἵνα, καθάπερ ἡ προθυμία ἔδειξεν, ἔτω καὶ τὸ (forte ἔ) ὑπερβῇ ἐν ἔργῳ? ibi enim voces ἔδειξεν & ὑπερβῇ sibi invicem opponuntur. Imò hoc ipso in loco, de quo agitur, versiones Copt. & Syr. reddunt Græcum verbum per *perficere*, quod est ὑπερβῇ, non ἐνεργεῖν. Versio autem Vulgata habet, *Deus est, qui operatur in vobis Et velle Et perficere*: unde illam credibile est olim legisse ὑπερβῇ; vix enim illa redidisset idem verbum ἐνεργεῖν in priore loco per *operari in*, in posteriore verò per *perficere*.

1 Tim. iv. 3. Καλοῦντων γαμῆν, ἀπέχεσθαι βρωμάτων. quæ verba sic redduntur in Bibliis Anglicis, *prohibentium uxores ducere, & jubentium abstinere à cibis*. Scilicet nōrunt nostri Interpretes ex negativâ voce in primâ parte sententiæ affirmativam in alterâ posse educi, ut sæpe aliter fit, præsertim in 1 Cor. xiv. 34. Sed hoc, quod verum esse fateor tum in prophanis tum in sacris scriptoribus Latinis & Græcis, in hoc commate locum non potest habere: semper enim vox ἀλλὰ *sed* aut exprimitur, aut subintelligitur in medio sententiæ, cum ex negantis formulâ vox positiva eliciatur, ut in illo 1 Cor. xiv. 34. dicitur 'Οὐκ ἐπιτρέπει αὐταῖς λαλεῖν, ἀλλ' ὑποτάσσασθαι: Sed in hoc Epistolæ ad Timotheum loco vox ἀλλὰ nec legitur, nec subintelligi potest, quia postrema pars sententiæ alia est, sed non contraria priori. Si conjectura placeat, ego sanè sic in MSS scriptum velim legere, καλοῦντων γαμῆν, καὶ ἀπεχομένων βρωμάτων: *prohibentium uxores ducere, & facientium abstinere à cibis*. Hanc, quam tibi offero, conjecturam ut aliquantulum firmem, notandum est versiones Syr. Copt. Arab. & Æthiop. interpretatas esse vocem καὶ: deinde cū versio Syr. exhibet *prohibentes nubere Et abstinentes à cibis*, versio autem Arab. *prohibentes matrimonium Et amoventes cibos*, utræque mihi videntur legisse καὶ ἀπεχομένων, quæ vox sorte in ἀπέχεσθαι postea ab ignaris temerè mutata est, ut copulativa καὶ similes modos conjungeret. Porro reddidi ἀπεχομένων *facientium abstinere*, quia hoc ipsum vult versio Arab. per *amoventes*, & quia ἀπέχω significat *averto* in *Odys.* ὁ Νῆα ἐκὰς νήσων ἀπέχεον — & apud Plutarch. de defectu Oraculorum οὐδὲν ἀπέχει *nihil prohibet*.

prohibet, quin: & sic videtur ἀπέχειν significare in Matt. vi. 2. & ἀπέχεσθαι in 1 Thess. iv. 3.

1 Pet. i. 2. Κατὰ πρόγνωσιν Θεῶ πάρος ἐν ἀγιασμῷ πνεύματι, εἰς ὑπακοήν καὶ παῖσιμον αἵματι Ἰησοῦ Χριστοῦ. Fallor si in his verbis nihil lateat vitii: cur enim istud καὶ copulat ὑπακοήν & παῖσιμον? Verè dicitur sanctos electos esse secundum præscientiam Dei *ad obedientiam*, non autem, opinor *ad asperersionem sanguinis Jesu Christi*. Sed si quis dicit eos electos esse *per sanctificationem Spiritus, & per asperersionem sanguinis Jesu Christi*, verè hoc dicitur: Asperasio enim sanguinis Christi non finis, sed causa electionis istius est. Hæc motus ratione libens rescripserim, καὶ πρόγνωσιν Θεῶ πάρος ἐν ἀγιασμῷ πνεύματι εἰς ὑπακοήν, καὶ παῖσιμον αἵματι Ἰησοῦ Χριστοῦ; sc. ἐν ante παῖσιμον subintellecto: Hoc arbitror Apostolum voluisse dicere, videoque tandem versionem Æthiopicam nihil ab hæc meâ conjecturâ discedere.

Sed *de tabulâ* (ut aiunt) *manum*, ne longior sim in iis rebus, quas nec meum est eo acumine ingenii (quo solent doctiores Critici) tractare; nec multi homines, iique literati, sed nimium sacris libris timentes, à doctissimis tractandas faciliè concedunt. Incerta (inquiunt) omnia ii faciunt, qui adedò suis conjecturis indulgent: at verò nos, si veritas ipsa spectanda est, incerta non facimus, sed invenimus: aliud certè volumus, nempe ex tenebris lucem proferre, & efficere, ut puriora & castigatiora prodeant Apostolorum scripta. Nisi velint dicere divinam providentiam ita sacris literis semper invigilasse, ut nulla iis aut ab inscitia scribentium aut ab audaciâ Hæreticorum profecta vitia infederint. Quod si quis hoc dicat, pii magis est sententia, quàm sanè de his rebus judicantis. Etenim nemo tam sine oculis legit, tam in literis sacris & profanis hospes est, ut non multa videat, quæ olim corrupta jam optimorum MSorum ope emendantur. Quod ad N. T. attinet, multis in locis MS Alex. codex iste & vetustissimus & integerrimus textum puriorem nobis exhibet, quàm cum exhibuerant antea vulgares editiones: imò solus hic aliquando vitio vacat, suamque lectionem, in cæteris MSS non inveniendam, tum ob lucem sententiæ hinc datam, tum ob rationem Græcæ linguæ servatam commendat. Finge igitur illum MS ex aliquâ parte deficere (ut deficit certè in 2 Cor. à cap. iv. com.

13. usque ad ejusdem Epistolæ cap. xii. com. 7. & alibi;) putâsse illum nihil fani & ab aliorum MSorum lectionibus diversi potuisse exhibere, si nullo infelici defectu laborâssent, si cætera illa prædictæ Epistolæ capita nobis ob oculos posuisset? Quod si non unum MS, sed multos eâ verustate & integritate simul insignes haberemus, num non censes aliquas, quæ etiam nunc sacris libris videntur inesse, maculas horum sero licet auxilio ablui potuisse? Est igitur, est conjecturis non temerariis suus adhuc locus: nec incertum ille textum N. T. reddit, quisquis fano vir judicio & ingenio acerrimo orationis vitia primum detegit; dein, ut ad urendum aut secandum medici, sic ad hoc castigandi genus cautè scienterque accedit.

Hanc non mihi, sed Criticis dandam veniam puto: quid enim Ego possum, quem multitudo varietasque (ut scis) negotiorum pene conficit; cui, si non natura & doctrina, certè tempus liberque à potioribus mihi curis animus deest? Illa semper optabiliora duxi, quæ ad sapientiam humanam, multò verò magis divinam, pertinerent: semperque statui altioris esse animi verum excogitare & civilia omnia officia ritè instituere, quàm in syllabis vocularum hæerere, quàm ad verisimillimas emendationes descendere. Nostrorum potius morum vitia, quàm aliorum scriptorum corrigamus; hîc & labor summus est & palma nobilissima: sed ne hoc feliciter facientem decet superbia: quonam igitur animo feremus Criticorum turbam (ut vulgò solet) sua studia maximis laudibus, aliena summis contumeliis prosequentem? Suam Critici artem exerceant; si quis solito melius quid afferat, laudem meretur, laudem igitur habeat, dummodo non tantam sibi arrogat, quanta fevrieribus utilioribusque studiis debetur. Equidem tantum absum, ut me, aut alium aliquem, his levioribus (prope dixeram nugis) natum existimem, ut continuissimè me jam ab his conjecturis efferendis, ni tua voluntas auctoritasque, utræque apud me multum valentes, eas ex scriniis meis manibusque quodammodo extorsissent. Vale igitur, & quantum de judicio meo in his rebus detrahas, id omne amicitiae meæ studioque summo tibi obsequendi tribuas.

Dabam Londini
Idibus Januarii.

F I N I S.

[The page contains faint, illegible text, likely bleed-through from the reverse side. A circular stamp or seal is visible near the center.]